

D E

# INFLAMMATIONIS *THEORIA*

EJUSQUE PER RESOLUTIONEM CURATIONE.

*POSITIONES MEDICO-CHIRURGICÆ.*

QUARUM veritatem in Augustissimo Ludovico Medico Monspeliensi, Deo-duce & auspice Dei-parâ tueri conabitur,

A U T O R

JOANNES - LUDOVICUS SANIAL. DUFAY,  
Cheylariensis apud Vivarienses, Libera-  
lium Artium Magister & jamdudum  
Medicinæ alumnus. Die                      mensis  
Februarii anni 1766.

*PRO BACCALAUREATUS GRADU CONSEQUENDO.*



MONSPELII,  
Apud AUGUSTINUM - FRANCISCUM ROCHARD,  
Regis & Universitatis Medicinæ Typogra-  
phum unicum.

---

M. DCC. LXVI.

318332









BAUMÉS FECIT . MONSPELII .



CELSISSIMO , POTENTISSIMOQUE VIRO

D. D.

LUDOVICO-HERCULI DE PORTALES

EQUITI ET MARCHIONI

DE LA CHESE ,

D. DE LA CHAIZE , BURIANNE , TALLARON ,

LE PONS , SERPAISE , HILLAINS , &c. &c. &c.

STI. LUDOVICI REGII ORDINIS ET MILITARIS  
EQUITI.

EXERCITUUM REGIORUM LEGATO GENERALI.

*V*IR CELSISIME ,

*Beneficiis quibus me meosque tibi in  
æternum devinxisti cumulum addis , dùm  
hæc prima studiorum meorum tentamina tuis*



*auspiciis in lucem prodire benevolus annuisti. Oh utinam par esset facundia animi grati sensibus ! te laudarem avitis virtutibus clarum , tuis clariorem , Bello fortem & expertum ducem , pace civem optimum , beneficum , omnibus carissimum ; verum tanti viri laudibus extollendis sentio quantum impar sim. Sileo itaque mirabundus , teque rogans enixè ut cui hætenùs favere voluisti , in posterum favere numquam desinas ,*

**VIR CELSISSIME ,**

**TUÆ CELSITUDINIS**

Obsequentissimo & humillimo  
Clienti & Servo ,

**JOANNI-LUDOVICO SANIAL DUFAY.**

*Dabam Monspeli die                      mensis  
Februarii anni 1766.*




## DE INFLAMMATIONIS

*THEORIA*

EJUSQUE PER RESOLUTIONEM CURATIONE.

*POSITIONES MEDICO-CHIRURGICÆ.*

1<sup>o</sup>.  UMOR est partis cujuscunque elatio præter naturæ consuetum morem à fluidis accumulatis, aut præter modum expansis præcipuè pendens.

2<sup>o</sup>. Tumores dividi solent in calidos & frigidos. Calidi dicuntur qui calent præter naturæ modum; frigidi verò qui hunc non superant, aut etià infrà stant. Retineri potest hæc divisio generalissima quia sub se complectitur omnes tumorum species, nihilque absurdi involvit, cum caloris & frigoris qualitates respectivæ sint, non verò absolutæ.



(2)

3<sup>o</sup>. Tumores calidos , sic vulgò dictos omnes comprehendit vox in hisce universalissima inflammatio , quæ dum occupat partes externas in sensus incurrentes manifestatur dolore , calore , rubore , tensione partis cui dicitur ideò insidere inflammatio.

4<sup>o</sup>. Quandoquæ tumor inflammatorius circumscriptus est , prominètquæ multùm , stans toto sui decursu intrà primos limites conspicuos ; quandoquæ verò diffusus est , minùs prominens , & à primâ quam occupabat sede derelictâ , grassans in vicinas partes , quandoquæ quasi sensû ustorio stipatur , quandoquæ tantùm excessu caloris non mordacis notatur. Qui tumor inflammatorius circumscribitur , caletquæ non mordacitèr , detinetur intrà primos limites , phlegmone speciatim audit. Erysipelatis autèm nomen imperitum est tumori inflammatorio diffuso , calenti , cùm sensu ustionis , serpenti à parte in partem , cujus rubor dilutior sub premente digito evanescit , mòx eo ablato citissimè reversurus. In erysipelatis superficie hæud rarò vesiculæ exiguissimæ seroso latice turgidulæ plusminùsve confertæ apparent.

5<sup>o</sup>. Attenta observatio docet hoc ordine nasci hæc symptomata quæ suo concursu



inflammationem externam constituunt.

1<sup>o</sup>. Dolor plus minusvè acutus , deindè calor , tensio , rubor , tumor. Quandò hæc symptomata levia sunt hunc gradum inflammationis ponunt quem phlogosim dicunt; quandò notabilia fiunt inflammationem strictè dictam faciunt ; tandèm quotiescumquè adeò turget pars inflammata intensissimè , ut vasa rupturam minitentur , tertius inflammationis gradus constituitur , qui inflammatio fistrophica audit.

6<sup>o</sup>. Docuit observatio tumores calidos seu inflammatorios quadrifariam potissimum terminari posse ; nempe resolutione , suppuratione , induratione & gangrænâ ; quibus inflammationum exitibus adduntur nèc immeritò delitescencia , & desquamatio. Verum est tamèn delitescenciam tanquàm resolutionis speciem habendam esse , uti dicetur infrà dùm de resolutione erit quæstio.

7<sup>o</sup>. Dicitur resolvi tumor inflammatorius quandò symptomata omnia inflammatoria , nequidèm excepto tumore , sensim evanescunt , parte priùs inflammata in pristinum sanitatis statum perfectè redintegrata. Suppurationem hunc esse exitum quo cessat inflammatio pronuntiant om-

nes si acciderit ut symptomata omnia strictè inflammatoria dicenda uti sunt dolor, calor, tensio, rubor ex toto evanuerint, superstitè in ipsissimâ sede inflammationis mòx vigentis tumore molli, albicante, in quo tactus fluctuationem quamdam per-sentit, qui tumor propriè dicitur abscessus, qui quidèdùm spontè vèl arte aperitur effundit liquamen album plus minusvè subtenax, inodorum, quod puris nomine genuino salutatur. Si contigerit evanescentibus inflammatoriis symptomatibus strictè dictis supèrèsse nihilominus tumorem durum, indolentem schirrum appellatum, tumor inflammatorius induratione solutus habetur. Dùm autèm evanescencia symptomata inflammatoria locum faciunt mollietiei partis priùs inflammatae, sensûs in eadem parte hebetudini, imò abolitioni, ejusdem partis coloris mutationi in atrolivescentem plus minusvè, inprimisque dùm hæc ipsissima pars odorem sub putridum, quasi cadaverosum spirat, dùm, inquam, hæc omnia fiunt, gangrænam funestissimum inflammationis exitum præsto esse apud omnes ratum est.

8°. Delitescencia tumoris inflammatorii fit quando subito aut ferè subito omnia symptomata inflammatoria nullo excepto



disparent, parte ad pristinam salubritatis conditionem revocatâ ; tandem desquamatione terminari inflammationem aiunt, quando recedit à parte omnis inflammationis nota & intereà squammulæ quasi furfuraceæ ex superficie partis inflammatione mōx tentatæ plus minusvè confertim deciduæ observantur.

9°. Theoria inflammationis tanquàm hætenùs minùs nota & tanquàm dubia spectari debet ; namquè cùm calor excedens modum naturalem præcipuum fit inflammationis symptoma, undè inflammationis nomen datum est, evidens est nihil certi statui posse circa inflammationis causam quàm priùs ipfissima caloris naturalis animalium causa undiquè & certò perspecta sit : porrò meditati severè varias opiniones circa causam caloris animalium huc usquè prolatas evidentissimè patefcet has omnes hypotheticas esse pluresque falsitatis evinci posse, quæ disquisitio cùm pertineat ad phisiologos hîc indicatur tantùm, non instituitur. Undè sequetur theoriam inflammationis illam tantùm proponi posse, quæ minùs inverissimilis fit, & àb observatione dissidens, hypothesis loco non Thesis defendam.

10°. Diù receptum est apud Medicos

principium ad partem quamvis accersens symptomata inflammatoria , sanguinem extravasatum & stagnantem in intercapudinibus venulas intèr & arterias minimas juxtà veterum doctrinam reperiundis ; quia nempe sanguis sic extravasatus & stagnans motum putrefactorium inire deberet ex quo caloris intensitas & reliqua inflammationis symptomata sequerentur.

11<sup>o</sup>. Idem principium inflammationis admittit *Sthallius* , à veteribus tamèn diversus in eo quod calorem non putrefactorio motui tribuat , sed actioni principii vitalis excitanti , dirigentique motus vividiores oscillantium vasorum circa partem in quâ stagnat sanguis , hunc in finem ut præcaveatur putrefactio fluidi hujus extravasati , ejusdemque concreti resolutio in minimas particulas fluori iterùm aptandas promoveatur. Ex hoc majori impetu quo vasa circa partem inflammandam oscillantia aguntur à fluidis intrà ea specialius & vividius determinatis , & reagunt in hæc ipsa fluida , ex mechanicis principiis explicatione deducta repetit caloris excessum quem præ se fert pars inflammata.

12<sup>o</sup>. Sentiunt idem ferè ac veteres , *Sthalliusque* , neoterici plerique quoad principium inflammationem determinans :



nempè hoc statuunt esse sanguinem vel stagnantem omninò in minimis vasis arteriosis sanguineis, vèl saltèm pèr ea difficiliùs meantem. A veteribus, *Sthallioque* in hoc differunt quod isti extravasatum esse sanguinem ponant qui stagnat inter arteriolas minimas venulasque, illi verò eandem stagnationem aut difficiliorem meabilitatem collocent intrà vasa ipfissima minima arteriosa. Differt etiàm Neoterico-  
rum plerorumque opinio à veterum placitis, in eo quod cum *Sthallio* negent excessum caloris in inflammatione observandum à putrefactorio motu repetendum esse, consentiuntque cum *Sthallio* sub hoc respectu quod actioni & reactioni majori vasorum pulsantium circà partem in quâ stagnat aut difficiliùs meat sanguis, tribuant excessum caloris qui parit inflammationem; à *Sthallio* tamèn diversi sunt in quantum majores hæce actiones & reactiones vasorum nudâ stagnatione aut difficiliore meatu sanguinis intrà sua vasa minima determinari aïunt quas *Sthallius* à specialiori intentione & & contentione principii quod admittit vitalis in fines utiles suprà propositos agentis omninò repetit.

13<sup>o</sup>. Variæ illæ opiniones gravissimis premi possut difficultatibus. Enim verò

quod ad veterum opinionem attinet vix ac ne vix quidem ullo experimento aut Analogiâ defendi potest à putredinoso motu qualis excitatur in fluidis animalibus secundum antiquorum hypothesim hunc gigni caloris gradum qui observatur in statu naturali multo minùs hunc qui notatur in inflammatione. Prætereà gratis supponunt sanguinem in intercapedinibus arteriolarum , venularumque stagnantem intrâ parvum spatium coërcitum aëris immediatæ actioni nullomodè expositum ità promptè & vividè putrefactorii motus efficaciam experiri , dùm constat observatis non solùm cruorem effusum , angustioribusque limitibus comprehensum , ut in echimosis levioribus , sed & etiàm magnâ copiâ collectum intrâ cavitates , v. g. uteri & vaginæ diù perstare immunem ab omni putredinis labe. *Sthallii* neotericorumque sententia uno eodemque quasi ictu corriuit hypothesibus meris accensenda ; nempe supponitur demonstratum causam caloris animalis peti debere ex actione mechanicâ , reciprocâquè fluidorum & solidorum in sese invicem , quod nedum pro demonstrato haberi queat , imò tùm à priori , tùm à posteriori deductis rationum momentis falsum esse evincitur. Recentiorum opinio hoc iterùm



iterùm vitio premitur , ùt nitidissimè demonstravit Clarissimus *D. D. de Sauvages* quod posito simpliciter stagnante sanguine in minimis vasis aut per ea difficiliùs fluente impetum sanguinis circà hæc vasa adaugendum arbitrari videantur , obliti crescentibus resistentiis fluidorum quibus opponuntur illæ resistentiæ velocitates minui debere , nòn intendi.

14<sup>o</sup>. Celeberr. *Gorterus* optimè sensit hanc stagnationem sanguinis , aut minùs expeditum fluentum per minima vasa non satis esse ad determinanda symptomata inflammationis , maximè quia intèr vasa hæc minima adeo sunt innumeræ anastomoses seu communicationes , ùt si contigerit quædam ex illis obstrui , pronum sit existimare alia longè plura quæ vices obstructorum supplere possint absquè ullo sensibili vitio in humorum translatione indè nato , undè præter sanguinis stasim perfectam aut imperfectam , ut determinetur inflammatio supponit necessum esse sanguinem hunc stagnantem plus minusvè aliquâ acrimoniâ pollere , quâ stimulante nervosa stamina accersatur versus locum obstructum velocior sanguinis appulsus , & ex eo pendentia quæcumque symptomata inflammationis ; verùm licèt *Gorterus* à neotericis

ritè diffentiat sub mox allato respectu ; intereà cum illis & quidè m nullo jure tribuit caloris excessum intensioribus factis solidorum & fluidorum in se invicem actionibus reciprocis.

Prætereà si res attentè perpendatur brevì perspectum erit sine ratione sufficienti ex hypothesi tantùm præconceptâ supponi principium inflammationis intrà vasa minima necessario hærerè ; cum observatio quotidiana demonstret àb irritantibus & dolorificis corporibus admòtis aut infixis cuilibet parti corporis humani non certè intrà vasa hærentibus symptomata quæcumque inflammatoria hanc circà partem ab extrinseco stimulo percitam & vividè & citissimè pronasci.

15°. Ex hâc ultimâ annotatione simulquè perspecto ordine quo diximus exoriri symptomata inflammationis , patescit principium inflammatorium esse quodcumque acre stimulans Physicè , vèl mechanicè , uno verbo dolorificum parti cuicumque corporis infixum , inhærensque , sive illud intrà vasa delitecat , sive extrà hæc locatum sit. Hoc posito principio hujus connexio cum symptomatis inflammatoriis consequentèr horumce explicatio satis facilè deducitur analogicè , juxtà leges naturæ



pèr observationem demonstratas. Enim verò dolor ad partem relatus , hujus auctam sensibilitatem ponit , quod observando verum esse perpetuo discimus. Porro sensibilitas in parte aucta concipi nequit , quin principium hujus sensibilitatis , certò pèr nervos ad partes humani corporis translatum circà eam partem sensibiliorem factam confertiùs colligatur & quasi densetur. Ponamus autèm hoc principium sensibilitatis quid igneum esse & proindè causam caloris animalium ( quod quidèm summè saltèm probabile esse evincitur in Physiologicis ) ubi confertiùs densatur illud , ibi majorem caloris gradum adesse necessum erit , undè jam patet quàm necessitate dolorem calor excipiat quasi è vestigio : calore suborto majori rarefieri tùm solidos partium textus , tùm ipsummet sanguinem , reliquosque humores suis vasis contentos evidens est , indè crescit partis inflammatae volumen , fit tumor , tensio , rigiditas vasorum augetur , colore rubicundo pars insignior deprehenditur. Sic colligantur tùm intèr se , tùm cum principio inflammatorio suprà dicto omnia symptomata quibus inflammatio præsens cognoscitur. Hæc theoria nobis licèt præ reliquis arrideat , intereâ tamèn tanquàm hypothesis habenda est ,

quà supponit principium sensibilitatis igneum, quod ut ut probabile reddi possit, interim minus demonstratum censi debet; de cæterò mirè quadrat cum illis quæ docet attenta & quotidiana observatio circa inflammationis historiam instituta.

Nequè diffitendum est aliâ difficultate, & primo quidè intuitione gravissimâ premittitur theoriam mōx propositam, nempe hujus affectus defendunt calore majori sensibilibus rarefieri partes tū solidas, tū imprimis fluidas humani corporis, contrā quam assertionem videntur pugnare millena experimenta quibus constat à calore multis vicibus majori quam ille est qui notatur in inflammatione, vèl maximâ, vix ac ne vix quidè sensibilibus expandi sanguinem; unica responsio huic dari potest objectioni, nequè certè improbabilis aut fictitia. Perperam concluditur ex iis quæ accidunt sanguini extravasato, cruoris nomine potius quam sanguinis insigniendo, qui cruor dici posset haud immeritò cadaver sanguinis, ad ea quæ accidere debent sanguini vi vitæ imprægnato intrā vasa viventis animalis circuitum suum obeun- ti. Quæ tali sanguini mutationes à calore debent contingere ex sola observatione caloris huic admoti, vere dicere possu-



mus ; porrò quis negaverit ab admoto caloris gradu majori cuilibet parti corporis animalium viventium in hâc protinùs nasci hæc phænomena quæ evidenter arguant rarefactionem, tum solidi textûs, tum fluidorum qui trans vasa hujus partis decurrunt. In animum revocetur effectus balnei calidi, & quantum ex eo perspecto firmitatis accedat responsioni traditæ luculentè patefcet.

16°. Qui theoriæ vulgatiùs receptæ apud neotericos adstipulantur posito principio inflammatorio intrâ vasa sanguifera minima uti suprà dictum est succedentiâ inflammationis phænomena juxtâ suam hypothesim facilè satîs deducunt. Namquè, aiunt, posito sanguinis difficili transitu pèr arterias minimas sanguiferas, à fortiori si illæ penitùs obstructæ supponantur, necessum erit sanguinem ad vasa impedita aut obturata viribus trufivis cordis continuò appellentem hîc saltem partim subsistere, undè collectio sanguinis in datâ parte cujus canales sanguiferi infertiuntur ; nequit autèm hæc collectio concipi quin illicò sequatur idea tumoris, tensionis, rubedinisque ; calorem autèm aliud & præcipuum inflammationis symptoma repetunt ex adaucto

impetu fluidorum uti superius diximus, tum ex motu ipfissimo intestino vegetiori facto. Contendunt insuper ruborem partis inflammatae adscribi posse non solum collectae majori copiae sanguinis rubri, propter rationes memoratas, sed etiam hujus fluidi deviationi intra vasa lymphatica, quae juxta naturae leges liquorem pelluciscentem, aut sub pelluciscentem tantum vehere debent. Hujus explicationis fundamenta jam evertimus, non tamen negantes hanc sanguinis in vasa lymphatica deviationem locum habere posse cum analogia & ipfissima dissectio partium inflammatarum, imò inflammatio uveae rubore tunc perfusae, quae tamen vasis lymphaticis solummodo donatur demonstrante Clarissimo *Ferrein*, illam deviationem nonmodò locum habere posse, sed habere defactò commonstrent.

Hoc praeterea animadvertemus quod juxta principia neotericorum ad inflammationem explicandam adhibita difficillimum fit, quoniam & impossibile intellectu, quâ ratione fiat ut in quibusdam inflammationibus, etiam maximè notabilibus, licet omnia circa partem inflammata vasà videantur impetuosius agentia quàm fert consuetus naturae ordo, interea ne mi-



nima quidè nota subfit mutatae in reliquo corporis ambitu propulforum à corde humorum velocitatis.

17<sup>o</sup> Ex suprà dictis abundè liquet id quod jam monuimus , nempè theoriam , sic vulgò dictam , seù refectionem tum principii inflammatorii , tum hujus cum phœnomenis inflammationis connexionem millenis disputationibus obnoxiam esse , proindèque dubiam , ità ut cogamur fateri nullam methodum curatoriam inflammationis huic theoriæ qualiscumque demùm sit superstruendam esse à prudenti Medico , sed omnes therapeuticas indicationes ex morbi hujus historiâ fidâ petendas esse , collatâ cum iis quæ docet observatio effectuum qui præstantur à medicaminibus variis prò morbi conditione diversâ adhiberi solitis.

18<sup>o</sup>. Utilitèr dividi potest inflammatio in essentialem , & symptomaticam , in criticam salutarem , vel non , periodicam , vel non ; inflammatio essentialis cognoscitur quandò primariò independentèr ab ullo morbo alio prægresso aut coexistente à causâ externâ , evidentèr ortum suum ducit. Symptomatica verò est si haberi jure possit pro effectû , seù symptomate alterius morbi coexistentis , quod

quidè̃m ità erit si morbus, v. g. febris, inflammationis ortum præcesserit, si febre crescente intendantur symptomata inflammatoria, & vice versa; si non à causâ evidenti externâ producta fuerit, virûs multigeni præsentia, scorbutici, scrophulosi, venerei signis suis cognita inflammationem succedaneam habuerit. Critica salutaris agnosceatur inflammatio quædùm apparet, morbum antecedentem solvit, aut ejus intensitatem & periculum minuit, sic tumores inflammatorii circa aures exorti, & idè̃ dicti parotides in decursu febrium malignarum haud ità rarò conspicui, sæpè harum-ce febrium funestos effectus retundunt & prævertunt; quod si tumoribus hujusmodi inflammatoriis apparentibus in morborum decursu, horum symptomata graviora fiant, nedùm mitiora, & præcesserit in animali œconomiâ hæc turbatio quæ signat molimina critica, illi critici non salutare quàm & lethales quandòque habebuntur. Notissimum est inflammationes quandoquè variis in corporis partibus etià̃ finè causâ manifestâ per periodos recurrere, quibus erumpentibus nihilominùs sani perstant quoàd præcipuas functiones qui has inflammationes experiuntur, qui malè sese habent



habent econtrà, si non erumpant inflammatoria hæc symptomata datis temporibus, vèl si erumpentia minùs cautâ methodo citiùs perfanentur. Nemo est ideò qui non censerit quantæ utilitatis, imò necessitatis sit apprimè attendisse ad hujusmodi inflammationes periodicas ut vitentur errores in praxi ægris damnosissimi. Ex dictis etiàm patebit quandonàm inflammationes scorbuticæ, veneræ, scrophulosæ dicendæ sint omnes symptomaticæ, & quantoperè pretium sit illas tum a se invicem, tum à reliquis non symptomaticis accuratè distinxisse; harum-ce nempè perfanatio nulla potest obtineri quin varia principia variis & appositis remediis sagaci curâ impugnentur, & debellantur. Hinc eruuntur præcipua diagnoseos utilis fundamenta in morbis inflammatoriis externis.

Jam suprà indicavimus quasdam inflammationes esse à febre immunes, unde pronum est concludere, quod docet observatio, plerasque potissimùm graves febrem sibi comitem habere, summoperè etiàm necessarium est cujusnam sit propriæ hæc febris inflammationis comes. Signa inflammationis symptomaticæ mòx tradita, satìs docebunt àn febris unà cum inflammatione vicens ab inflamma-

tione pendeat ? Aut vice versa ? Utrùm inflammatio sit principium , aut symptoma hujus febris ? Quæ quidè̃m cognitio multùm juvat , tùm ad certiozem prognosim , tùm maximè ad prudentiùs ineundam viam quæ ducat ad feliciorẽ morbi sanationem.

19<sup>o</sup>. Inflammatio levis , dicta vulgò phlogosis , quæ æstimanda venit ex doloris & caloris gradu diverso , potiùs quam ex intensitate variâ tumoris & ruboris partium inflammatarum , imprimis si fuerit essentialis à causâ externâ producta in corpore aliundè ritè constituto vix à ne vix quidè̃m ullum periculum portendit ; sub iisdem circumstantiis inflammationis propriè dictæ periculum paulò gravius esse solet quàm phlogosis , tandè̃m sub allato respectu magis timendus est exitus inflammationis fistrophicæ quam vel phlogoseos , aut inflammationis propriè dictæ. Inflammationis symptomaticæ prognosis sub pari intensitate symptomatum inflammatoriorum omninò petenda est ex perspecto genio , gradu quẽ morbi cujus symptoma est inflammatio. Gravior est inflammatio quæ febrem sibi adjunctam habet quam quæ sinè febre manifestatur , & sua percurrit tempora , tantò quẽ gravior , si febris hanc concomitans non sit effectus



inflammationis. Inflammationis criticae bonae vel malae ratio perspecta habebitur ex animadversâ morbi conditione, prout ille dum sese prodit tumor inflammatorius, vel in melius, vel in deterius abit, eodem fundamento nitetur iudicium ferendum de exitu harumce inflammationum quæ periodicè recurring tipo regulari, vel non. Deniquè gravissima est & periculi plena inflammatio quæ dum vix ingruunt inflammatoria verè symptomata, gangrænæ notas evidentes præ se fert saltèm in quibusdam tumoris inflammatorii punctis.

Maximè salutaris exitus inflammationis, resolutio est: excipiantur tantùm casus inflammationis criticae, aut hujus quæ effectus est luis venereæ, circa quam ultimam notabimus hanc etiàm feliciter resolvi, & sinè ullo subsequenti incommodo, modò illam induxerit hydrargirosis, aut è vestigio exceperit; tumores inflammatorios qui resolvi nequeunt optimum est terminari suppuratione; tertio loco venit expetenda induratio; sed funestissimus eventus omni ope atquè operâ ideò vitandus, gangræna est, in nullâ circumstantiâ non valdè reformidanda.

Resolutio, uti ex suprâ dictis concludere est, audit gradaria symptomatum omnium

inflammatoriorum, nequidem excepto tumore evanescencia, parte prius inflammata ad pristinam sanitatis conditionem perfectè reductâ. Resolutio distingui potest & debet à repercussione, quo posteriori nomine designatur subita aut ferè subita cessatio omnium inflammationis symptomatum cum aliis conditionibus ad resolutionem mòx requiri dictis. Ex allatâ resolutionis definitione patet ejus historia quatenus observatione disci potest. Namquè remissio gradaria symptomatum inflammatoriorum signum est potissimùm quo sese sistit observatori resolutio fiens in tumore inflammatorio, huic adjungi solet pruritûs levis sensus, madore que ut plurimum pars perfunditur.

Jam notavimus resolutionem esse hunc exitum qui maximè exoptari debeat, si quidem casus etiàm suprà indicati excipiantur.

12<sup>o</sup>. Quomodò fiat resolutio tumoris inflammatorii sic & quidè satisfacile & expeditè suis insistendo principiis explicant omnes fermè neoterici. Supponunt enim in hâc circumstantiâ progressivum sanguinis motum intrâ vasa minima prius obstrueta aut quocunque modo impedita liberiores fieri, tum quia sanguinis spissi-



tudo corrigitur, & pristinam fluxilitatem hoc fluidum recuperat, tum quia ipsamet vasa prius constricta spasmodicè jam laxantur, viam facilem pandunt progressuris humoribus; quæ dum contingunt, necessum est gradariè minui principium ipsummet inflammatorium, hoc est, juxtà ipsos impeditum prorsus aut saltè difficilem meatum sanguinis per arteriosa capillamenta. Porro evidens est eodem passu quo minuitur vis principii inflammatorii, debere mitescere symptomata inflammatoria, quo usquè integrè cessent, parte inflammata ad sanam conditionem omninò revocatâ. Levis pruritûs sensus adscribitur fibrillarum nervearum vasorum prius tumantium parietibus intertextarum, dum sese restituunt imminutâ aut sublatâ causâ tumefaciente, motu vibratorio quasi tremulo agitatarum. Mador autèm quo diximus perfundi partem in quâ fit resolutio indè petitur quia fit ubiquè per vasa etiàm excretoria cutanea liberior humorum quorumcunque progressio.

Adversùs hanc explicationem nihil nobis videtur opponi posse nisi quod jam sæpè diximus hypothefim admodùm dubiam, imò in plerisque falsam prò fundamento habeat.

Juxtà hæc quæ statuimus de inflammationis theoriâ , quid opus est fieri in parte inflammatâ ut resolutioni locus sit , vel levissimè attendenti patescit ; id enim tantùm requiritur ut vis principii inflammatorii stimulans & dolorifica retundatur aut ipso sublato principio tollatur : porrò alterutrum ex iis aut utrumque accidere posse facilè intelligitur tùm motu vibratorio partium saltèm earum quæ immediate circumponuntur sedi cui hæret principium inflammatorium adaucto circa locum inflammatum , tùm calore majori in parte cui inflammatio infidet excitato rerafaciente , attenuante , fluxilitatem ideò restituente fluidis , si fortè spissiora simul & acria vasorum parietibus quasi infixâ symptomatis inflammatoriis locum dederint. Jam verò retusâ principii morbifici vi dolorificâ , necessum erit effectus ejus minui eodem gradu , nempè auctam sensibilitatem , calorem , & reliqua inflammationis phænomena. Quoad sensum pruritûs comitem resolutionis sequentem , madorem què sæpiùs observatum ubi tumor inflammatorius resolvitur , nihil videtur obstare quominus hæc placeat horumce phænomenorum explicatio , qualis à neotericis tradi solet, quæque mōx fuit exposita.



Repercussionis theoria ex dictis non difficili negotio percipietur. Eædem enim causæ quæ pedetentim efficaciam suam exereundo resolutionem promovent, celerius & quasi subito agentes repercussionem facient.

21<sup>o</sup>. Resolutio juvari potest, imò & determinari artis auxiliis, tum ex diætâ, tum ex Chirurgiâ, tum ex Pharmaciâ deductis.

Ubi inflammatio essentialis est, à causis externis pendens, nullâ febre stipata, viget appetitus, cæteræquæ functiones ritè se se habent, diætâ quoad cibum mediocris esto, quæ tantum offas, panatellas, cremores ex orizâ, hordeo, ova forbilia, & alia id genus alimenta concedat, solidioribus esculentis prudentèr interdictis, metu digestionis minùs feliciter peragendæ in corpore, quod alicubi dolore vexatur & molestat. Potus sit aquosus, vel simplex, vel alteratus incoctis aqua, orisâ, hordeo ad crepaturam usquè, vel infusis thei formiter floribus violarum, malvæ, aut foliis capillorum veneris; quies tum animi, tum corporis imperanda est, & domi continendus est æger, vitando quantum licet excessus frigoris aut caloris; alvus emolliatur clysmatis si rarior & durior fuerit.

Si pars inflammata quasi ardeat & de sensu ustionis queratur æger, aquâ pulli vel solâ, vel nitro purissimo imprægnatâ, ptisanne ex hordeo, orizâ anteponentur reliquis potulentis.

Si verò inflammatio fuerit symptomatica, febris patridæ progenies, aut licet essentialis fuerit si febrem propriis viribus invexerit; tunc diæta tenuis præscribatur opus est, quæ juscula tantum admittet quartâ quâlibet horâ propinanda, utilitèr alteranda incoctis cichoreo hortensi, lactuca, portulacâ, aut similibus; vel etiâ cremores leviores ex hordeo, orizâ, pari ac juscula temporis intervallo ægris exhibendi; ubi fitis urget & calor æstuans, procul dubio jusculi anteferendi.

Circâ potum in inflammationibus mōx dictis adhibendum, servantur eædem leges quæ jamjam traditæ sunt, ubi de inflammatione essentiali quæstio erat.

22<sup>o</sup>. Inter auxilia Chirurgica quæ commendari possunt adversus inflammationes, maximè celebratur sanguinis missio, quæ tanquàm reliquis omnibus palmam præripiens remedium venditari solet, ita ut si pluribus fides sit clinicis in nullâ inflammatione prudentèr omitti possit. Hoc autèm selectu venas secant in morbis inflammatoriis.



inflammatoriis tùm internis , tùm externis  
 de quibus potissimum agimus , ut quoties-  
 cunque partes inflammatae suas mutuatur  
 arterias ex aortâ ascendenti , præmissâ  
 unâ ad summum aut alterâ missione san-  
 guinis è brachio , protinùs ad saphænæ  
 apertionem properant , & vice versâ ,  
 quandò pars inflammata sanguine irroratur  
 qui fluit per ramos aortæ descendentes  
 venas in brachio secari jubent. Hoc re-  
 medii genere & promoveri resolutionem  
 & imprimis arceri suppurationem existi-  
 mant. Verùm ut quod res esse nobis  
 videtur , alienâ observatione edocti can-  
 didè proferamus , sæpissimè licèt plures  
 & quidè copiosæ sanguinis missiones  
 institutæ fuerint non obtinetur resolutio ,  
 nequè avertitur suppuratio , imò haud  
 ità raro accidit incautè repetitis illis  
 sanguinis missionibus , ægri vires vitales  
 debilitari , suppurationes illaudabiles fieri ,  
 gangrænamque funestissimum exitum su-  
 brepere ; undè quamvis in eâ simus opi-  
 nione sanguinis missionem prorsùs & ex  
 toto omitti non debere prouti quibusdam  
 placet vitium in contrarium currentibus ,  
 tamèn illam cautè , nèc promiscuè in omni  
 casu inflammationis saltèm externæ , de  
 quo hìc agitur , præscribendam esse cen-

femus. Sic remedium utile non omittentes ubi opus est, hoc non præstabimus quod plerisque in circumstantiis inutile sit, imò quod pejus est aliquandò noxium. Itaque ubi inflammatio circumscribitur parti affectæ, ubi essentialis est, pulsus rythmum naturalem non perturbat, reliquæ functiones benè sese habent, tunc à sanguinis missione prorsus abstinendum est. Si verò symptomatica fuerit inflammatio, notabiliter lædantur functiones, febris adfit, cum pulsu duro, validoque, dolor inflammatorius admodum acutus sit, tunc sanguinis missio utilis erit, imò necessaria ad feliciorē morbi curationem, plus minùsve repetenda, parcius aut copiosius, prout symptomata memorata indicaverint; non tamèn neglectâ consideratione aliarum circumstantiarum quæ sanguinis missionem vetare possunt aut imperare, aut solum modò permittere, de quibus agere locus est ubi questio est de sanguinis missione generice spectatâ.

Quoad verò selectum venarum incidendarum nihil impedit quominus sequamur morem apud clinicos receptissimum & suprâ indicatum, quamvis ille nec observatione satis firmatus sit nec innitatur nisi rationum momentis quæ nulla sunt, aut prorsus falsa.



Si inflammatio essentialis febrem vel rectius febrilem pulsum induxerit, præcedente aliquo horrore ut plurimum febris hæc signum est naturam moliri suppurationis negotium monente antiquissimâ observatione: undè sub hâc circumstantiâ nisi dolor atrox fuerit, pulsusque durus perstiterit, inutilitèr ad minimum vena secaretur, imò sæpè incæptum suppurationis opus averteretur, & hujus infaustissimus eventus gangræna.

Antequam finem imponamus dicendis de sanguinis missione in inflammationibus præscribenda vel omittenda, operæ pretium est ut non nulla moneamus de hâc regulâ quam non nulli statuunt circa illud argumentum; nempe quòd tandiù mitti possit sanguis quandiù in ejus intrâ vasa excepti & refrigerati superficie, apparet crusta plus minusvè flavescens, firma, densaque, quam vocant inflammatoriam quia solet observari in morbis inflammatoriis, debeat verò omitti sanguinis missio simul atque nulla hujus crustæ nota apparet in superficie missi sanguinis.

Hæc regula desumpta ex phænomeno mòx indicato si sola spectetur, præscindendo à statu virium vitalium, morbi symptomatum intensitatis, in damnosissi-

mos errores Medicum conjiciet ; si verò non sola consideretur sed etià opus sit habere rationem aliarum circumstantiarum ex quibus mittendi sanguinis indicationes sumi debent , tunc ad minimum inutilis est , quia aliæ hæ circumstantiæ ex artis legibus pensatæ sufficiunt ad hoc ut medicus determinare queat utrum sanguis mittendus sit nec nè.

Porro consideratio hujus crustæ tanto minus utilitatis foret sub hoc respectu vacuandi sanguinis , quod illa crusta miras varietates observanti exhibeat etià in morbis acutissimè & evidentissimè inflammatoriis , uti v. g. in pleuritide : nam quandoquè nequidè vestigium hujus crustæ in morbi principio apparet , nè in toto ejus decursu. Quandoquè dùm sanguis pluribus patellis unâ eâdemque aperturâ venæ missus excipitur crusta in unâ patellâ , non in alterâ conspicua est ; jamdudùm notavit *Sydenhamius* hujus crustæ efformationem maximè pendere à modo vario quo flueret sanguis ex aperto vase , itaut hæc manifestaretur sanguine impetuosius fluente , maximè si excipiatur vase profundo & angusto , nulla verò esset sub eâdem morbi circumstantiâ sanguine lentius per brachium decurrente & quasi



stillante in vas suppositum, maximè si illud fuerit latius & planius.

Prætereà non satis videtur quomodò sanguinis missionem indicare possit hoc phænomenum, quod docet observatio, sæpiùs apparere in pluribus aliis morbis qui sanguinis missionem vix admittunt ad sui curationem, uti in scorbuticis confirmatis, in chlorosi, cachexiâ, tum etiàm quandoquè locum habet vel in sanissimis hominibus. Ex dictis ergò concludere liceat nullas alias leges servandas esse circà missionem sanguinis in morbis inflammatoriis præter eas quæ superiùs stabilitæ sunt: nulla prorsùs ratione habitâ crustæ inflammatoriæ saltèm sub hoc respectu sanguinis missionem præscribendi aut omittendi.

23<sup>o</sup>. In curatione morborum inflammatoriorum suam quoquè symbolum affert pharmacia medicamentis tum internis, quam externis. Interna medicamenta diversi sunt generis, prout inflammatorii tumoris circumstantiæ diversæ sunt; si quidèm ubi inflammatio videtur esse symptoma febris putridæ quacum notissimum est vel ab initio ferè semper conjungi signa succorum pravorum in primis viis jam contentorum, aut in illas corrivantium, tunc locus est catharticis & eme-

ticis , prout intestina aut ventriculus mor-  
 bifici principii sedes esse videntur , ubi  
 fitis urget , calor ardet in toto corpore ,  
 præcipuè in tumore inflammatorio , præf-  
 tant tamaryndorum , cassiæ pulpæ , man-  
 næ fociata ; vitanda sunt cautè cathartica  
 tonica , stimulantia , calefacientia ; si verò  
 absunt ardoris signa , tunc etiàm mediocria  
 cathartica ( cæteris aliundè permittentibus  
 circumstantiis ) in usum cedent , qualia  
 sunt imprimis folia & folliculi sennæ jam  
 memoratis addita. Emetica si indicentur  
 optima erunt stibiata , uti tartarum eme-  
 ticum , syrupus Glauberii ; ubi notare ope-  
 ræ pretium est , quod fida & constans  
 docet observatio , nempe in illis inflam-  
 mationibus externis quæ tument pluri-  
 mum , licet minus circumscriptæ , ardent ,  
 serpendo à parte in partem , dictæ vulgò  
 erysipelatosæ , maximè si faciem occupent ,  
 spontaneæ , quandoquidè abessent signa  
 quibus indicari solet emesis , modò nulla  
 subsit contra indicatio urgens faustissimos  
 eventus sperandos venire ex emetico pro-  
 pinato , imò & repetito sub morbi ini-  
 tio.

Quotiès verò inflammatio externa es-  
 sentialis est , febrem nullam adjunctam  
 habet , nullaque indicia præse fert sabur-



ræ , ut aiunt , latitantis in primis viis , tunc ad minimum inutilia cenferi debent medicamenta emetica aut cathartica ; si pigrior fuerit alvus , fatis erit illam stimulasse injectis clysmatibus ex emollientibus paratis.

Cætera quæ præstat pharmacia defumuntur ex demulcentibus , refrigerantibus , antiphlogisticis , nitrosis , potissimum levitèr incidentibus , quæ variâ formulâ præscribi possunt ptisanæ , jusculi , apozematis , emulsionis &c.

Quibus solis medicamentis internis prudentèr adhibitis , sæpè accidit resolutionem optimè succedere.

Nequè tamèn negligenda sunt medicamenta externa topicè parti inflammataæ admovenda , quæ titulo repercutientium & resolventium indigitari solent. Repercutientia dicuntur quæ percussione , seu quod idem est , promptam & quasi subitam resolutionem faciunt ; resolventia verò quæ resolutioni sic propriè dictæ favent. Repercutientia duplicis potissimum generis admitti possunt , alia nempe quæ vi narcoticâ , stupefaciente , sic docente experienciâ , gaudent , uti sunt hyoscyamus , mandragora , solanum , papaveracea & ex illis parata opiata varia medicamina ;

alia verò vi adstringente , densante partes solidas corporis humani , simulque fluidas inspissante prædita , & quidè̃m vario energix gradu , scilicèt plantago , rosæ rubræ , tormentilla , bistorta , malicorium , alumen &c.

Repercutientia narcotica minuendo sensibilitatem in parte cui admoventur , minuunt hujus sensibilitatem & consequentè̃r omnia Phænomena inflammationis quæ pendent ab hac sensibilitate & quidè̃m tantò promptiùs & celerius , quanto promptior & celerior est horum vis , actio minùs certè̃ explicata.

Repercutientia adstringentia densando fibras , illas duriores efficiendo , fluida coagulando aut inspissando , priori effectu sensibilitatem minuunt , posteriori vim acris stimulantis dolorifici implicando retundunt , franguntque , quem geminum effectum præstant exiguo temporis intervallo , undè̃ in iis ab omnibus agnita vis repercutiens fatùs faciliè̃ intelligi potest. Similitè̃r agendo hæc medicamenta defensorum nomen merebantur apud plerosque Medico Chirurgos , quandò nempè̃ hi utebantur illis medicaminibus , non tam discutiendas inflammationes quam ad illas avertendas à partibus diversimodè̃



modè vexatis aut læsis.

Maximo sæpè cum ægrorum detrimento vocari in usum medicamenta repercutientia narcoticâ vi insignia, frequens & attentâ commonstravit observatio; undè horum hodiè usus rarissimus, tantum modò locum habens, ubi dolor sævit acerrime, tuncque etiâ magis internè quam externè, in quo posteriori casu vix uspiàm sola, sincera adhibentur; sed variis stimulantibus ingenitam vim aliquo modo reprimentibus sociata; sic theriaca, guttæ anodinæ, sub circumstantiâ doloris atrocissimè sævientis alicubi, prudenter admota, quandoquè nec infrequentèr admodum profuere. Effectus quos diximus præstari à percussivis adstringentibus perpendendo satîs monemur eorum usum valdè metuendum esse, quotiescumquè tumor inflammatorius durus est & renitens, vèl dolet nimium, quotiescumquè inflammatio cujuscumque demùm ordinis fit, critica est ad salutem ægri aut symptomatum levamen tendens, periodica, vixque notatu opus est tantò imprudentius & infaustiùs in casibus mox animadversis id applicari medicamentorum genus, quanto ad usum revocata hæc valentiora sunt & efficaciora. Licet autèm

incautam damnemus admotionem horumce adstringentium, non tamen ii sumus qui promiscuè & quasi ex integro velimus ea exulare è foro medico Chirurgico. Enim verò non nullis observationibus constat hæc circumspectè cautè que adhibita summum levamen ægrotantibus attulisse. Hos casus videre est, sicuti formulas medicaminum repercutientium feliciter admotorum in tractatu de suppuratione à *Quesnayo* edito. Serio perpendenti & animo revolventi quæ passim dicta reperiuntur & observationibus firmata circa usum aut abusum repercutientium, patebit sequentes canones practicos condiposse. Repercutientia sedantia seu potius narcotica sincera vix ac fortè ne vix quidem in ullâ externæ inflammationis circumstantiâ tutò adhibentur, stimulantibus verò prudenter maritata, ubi dolor acerbissimus est etiàm externo usu commendanda veniunt.

Medicamina repercutientia adstringentia cane pejus & angue vitentur, quotiescunque inflammationes criticæ sunt, spontaneè exortæ, aut ad indurationem valdè pronæ. Repercutientibus uti licebit imò juvabit quotiescumque inflammatio levis erit & phlogodæa, à causis eviden-



tibus topicis que externis orta , quotiescumquè intumescet œdematosè plus quàm inflammatoriè pars tumore calido vexata , uti contingit haud rarò in tumoribus erysipelatosi longè , latè que per extrema corporis diffusis , tunc què illæ anteponantur formulæ quas in similibus circumstantiis jàm profuisse testantur auctores.

Nisi tumor erysipelatosus faciei à causâ externâ evidenti & locali inductus fuerit , cave ab usu repercutientium quorumcunque , hæc enim non solùm inutilia sunt , sed etiàm ferè semper damnosa ; ubi autèm affectâ facie locus esse poterit repercutientibus , intèr mitissima seligantur quæ admoveri debeant.

Resolventia quadruplicis ordinis à quibusdam uti à *Quesnayo* admittuntur , nempe stimulantia , relaxantia , emollientia & diaphoretica. Simplicius & rectius revocari debent ad duos ordines præcipuos , scilicèt ad stimulantia & anodina ; his enim sub ordinibus facilè est & expeditum ea omnia complecti quæ adhibentur à practicis medicamina in scopum promovendæ resolutionis in quâcunque circumstantiâ , cujus quidèm asserti veritas observatione primùm & potissimùm firmatur , deindè satis elucescit ex propositis de theoriâ

resolutionis : enim verò resolutionem fieri  
 debere docuimus quotiescunque vis stimu-  
 lans & dolorifica principii inflammatorii  
 parti cuidam inhærentis retundebatur ,  
 aut ex toto tollebatur. Porro retundi aut  
 etiam ex toto tolli vim illam stimulantem  
 & dolorificam evidens est vel actione  
 vasorum circumpositorum inflammatorio  
 principio adaucta , illud excutiente quasi ,  
 vel omnino destruyente & dissipante , vel  
 iis prudenter admotis quæ sensibilitatem  
 partis minuendo effectum stimuli minuunt ,  
 aut iis quæ acre stimulas irretiendo ,  
 quasi implicando , ipsum iners & proinde  
 inefficax efficiunt , non expectatâ suppu-  
 ratione , quâ natura videtur idem moliri.  
 Itaque his indicationibus artem satis facere  
 posse liquet tantum modò ea adhibendo  
 quæ stimulant , hoc est , intendunt actio-  
 nem vitæ in parte inflammata , vel ea  
 quorum ope sensibilitas directè minuitur ,  
 qualia sunt anodina , narcotica vulgò  
 dicta , vel quæ irritiando acre quominus  
 sensibilitas exerceatur aut augeatur im-  
 pediunt qualia sunt anodina emollientia ;  
 proinde duplex ordo resolventium nobis  
 admittendus esse videtur ; inutilis , obs-  
 cura , dubiis solum modò innixa ratioci-  
 niis , observationi parùm congrua nobis



videtur divisio *Quesnayana*, qualem initio hujus articuli proposuimus.

Resolventibus stimulantibus locus est quotiescumque symptomata verè inflammatoria languent, nec tamèn tumor durus est admodùm, & ad schirri indolem accedens, quotiescunquè ergò metuitur ne gangrænæ symptomata superveniant; vitanda quotiescunquè symptomata inflammatoria urgent in evectiori gradu.

Emollientia verò resolventia tempestive adhibebuntur ubicunquè ingentia inflammationis phænomena potissimùm conjungentur cum ardoris aliquo sensu; cautè ab iis abstinendum est ubicunquè diximus perutilem esse stimulantium resolventium applicationem. His remediis tùm internè tùm externè prudentè adhibitis resolutio promovebitur, optimus & ideò valdè optandus si pauci casus excipiantur inflammationis exitus.

F I N I S.

QUÆSTIONIBUS PHYSIOLOGICIS RESPONDERE  
CONABITUR.



# ARGUMENTABUNTUR

R.R. D.D. PROFESSORES REGII.

R. D. JOANNES-FRANCISCUS IMBERT ,  
*Cancellarius & Judex.*

R.D. HENRICUS HAGUENOT , *Decanus.*

R. D. FRANCISCUS DE SAUVAGES.

R. D. FRANCISCUS DE LAMURE.

R. D. GABRIEL-FRANCISCUS VENEL.

R. D. CAROLUS LE ROY.

R. D. PAULUS-JOSEPHUS BARTHÉS.



---

## ERRATA.

**P**AG. 8. lin. 12. nullomodè *leg.* nullomodò.  
Idem lin. 21. corriut *leg.* corrui.  
Pag. 24. lin. 17. jusculi *leg.* jusculis.  
Pag. 27. lin. 11. gangræna. *ad.* accerferetur.  
Pag. 28. lin. 11. utilitatis *leg.* utilis.

Alia Errata emendabit Lector benevolus.

